



V Vinckelriedtus ille apud Vnderuualdēses in Heluetia natus & educatus fuit. Is magna fortitudine animi & corporis erat præditus, atq; suis uirtutibus magnam autoritatem nactus erat. Cum autem eius tempore anno 1386 potens Austriæ dux Leopoldus Heluetiorum hostis magno exercitu Heluetiorum ditionem ingrederetur, atq; præsidarios eorū milites in oppido Sempach tollere studeret, Heluetij Lucernates, Vranienses, Suitenses, & Vnderuualdenses, qui hæctenus Tiguri in præsidio fuerant, alijs sibi adiunctis, magno animo 9 die Iulij hosti obuiã profecti sunt. Erat Leopoldi acies, quæ ex optima eius nobilitate constabat, armorum splendore formidabilis, atq; arcta coniunctione firmissima.

Nobiles enim equis remotis pedes pugnare statuerant. Itaq; prælio acerrimo inito multi Heluetiorum initio cadebant, atq; horrenda clades timebatur.